

KIBRA **HACHA**



Pasó konosementu ta poder!
2^e Edishon

Lionel N. Spratt

Esaki ta un avanse di e buki 'Kibra Hacha.

E buki aki ta optenibel na Mensing's Caminada òf serka e outor.

Preis: Fl 50,-

E-mail: lionel_326@hotmail.com

(E buki aki ta 'sold out'. Pa reservá un kopia, manda mi un e-mail ku bo informashonnan, i lo mi sòru pa bo haña un.)

Kibra Hacha!

Copyright © 2015 Lionel N. Spratt

Tur derechi reservá.

Esaki ta un avanse di e buki 'Kibra Hacha'.

E buki aki ta optenibel na Mensing's Caminada òf serka e outor.

Preis: Fl 50,-

E-mail: lionel_326@hotmail.com

Kontenido

Prólogo.....	iii
1. Introvèrt vs Èkstrovert.....	11
2. Alzheimer	17
3. Dies kuminda ku ta subi bo apetit seksual!	21
4. Drama ta rebaha IQ? Personanan inteligente ta selektivo i tin un sirkulo chikí di amistad?	25
5. Infidelidat: dikon muhé ta pordoná, i hòMBER no?	29
6. Dikon hende hòMBER ta kòrta orea?	35
7. Kon pa detektá karakteristikanan hormonal di un hòMBER infiel!.....	43
8. Bo ke evitá ku bo hòMBER ta pone bo kachu?	49
9. Si bo no ta beibi mas, pakiko bo ta bebe lechi?	63
10. Hiroo Onoda, e último sòldat Hapones di segundo guera mundial ku a entregá!.....	67
11. Supmarino Ohio Class.....	71
12. HòMBER tin mas deseo seksual ku muhé?	79
13. Dikon hende muhé mayoria bia ta skohe pa e hòMBER tipo 'bad boy'?.....	87
14. Preshon di sanger.....	97
15. Krea ambiente kolegial i di pas na trabou.....	103
16. Super kuminda.....	115

17. Konstipashon di hende muhé.....	125
18. Kiko ta kanser?.....	131
19. Piedad na nir	141
20. Loke bo mester sa di infekshonnan seksualmente transmití	149
21. Ranka mi kabei!	157
22. Por tin amistad entre hòMBER i muhé?.....	161
23. Siña algun kos èkstra tokante di pénis:	171
24. Enfoká riba felisidat, no riba éksito!.....	175
25. Outo lo por kore riba energia nuklear?	181
26. Mi ke bai biba riba un otro planeta. Pero kua?	185
27. Palabra final	197
Otro buki di Lionel N. Spratt	19

1. Introvèrt vs Èkstrovert

Hende sin duda algun ta un di e espesienan mas kompliká ku tin. Hende su akтитut i komportashon por varia den kada situashon ku e persona ta aden.

Den bo bida lo bo mester a topa ku personanan 'outgoing', esta personanan ku gusta sali, gusta fiesta, gusta ta den multitut etc (èkstrovert), pero tambe personanan ku ta mas reservá, gusta ta nan so, no gusta multitut, gusta nan pas i trankilidat (introvèrt).

Falta di konosementu ta pone ku un hende èkstrovert ta pensa ku personanan ku no ta mesun 'outgoing' ku nan ta personanan tímido, siendo ku esaki no ta korekto.

Timides ta nifiká miedu pa wòrdu rechasá òf miedu di prehuisio negativo! E ta un problema sikológiko. Siendo ku introvershon ta e sistema ku e persona su seleber ta funshoná. E ta meskos ku koló di wowo òf koló di kueru. Bo no por kambia esaki.

Segun estudionan ku a keda hasí, un persona introvert tin mas sirkulashon di sanger den un parti di su seleber ku yama 'frontal lobes' i 'frontal thalamus' kual t'e partinan di seleber ku ta prosesá/analísá informashon, por ehèmpel planifikashon, i abilidad pa solushoná problema.

(Esaki ta djis un avanse.)

5. Infidelidat: dikon muhé ta pordoná, i hòmbler no?

Hopi bia bo ta mira ku un hòmbler ta infiel na un muhé, pero e muhé ta pordoné i asepté bek. Tin bia mas ku den un okashon. Pero manera e muhé faya, e relashon a kaba. Dikon? Dikon pa un hòmbler ta asina difísil pa e pordoná un muhé ku tabata infiel, pero un muhé si ta pordoná e hòmbler su infidelidat?



Serka hòmbler e ta fásil pa splika. Hende hòmbler tin ku protehé su ego i su imágen públiko. E pensamentu ku e muhé tabata infiel lo ta funesto pa e hòmbler. Mesora e ta kuminsá pensa kiko otro hende lo pensa di dje. Esaki ta hasi e hòmbler loko. Si e hòmbler tabata konsiderá e muhé komo su propiedat, e echo ku otro hòmbler a mishi ku su propiedat tambe por hasié loko.

(Esaki ta djis un avanse.)

6. Dikon hende hòmber ta kòrta orea?

Esaki ta un pregunta ku mayoria hende muhé tin. Tin hende muhé ku ta kana ku e speransa di por topa un hòmber fiel. Un hòmber ku no tin nesidat pa drumi ku diferente muhé. Pero e pregunta ta: e hòmber ei ta eksistí? Kiko ta motivá e hòmber pa drumi ku diferente otro muhé? Asta e hòmber ku nan ta konsiderá 'hòmber religioso' sa ta infiel!



Hopi hende lo purba splika esaki basá riba un punto di bista moral. Ami ta bai purba splika esaki basá riba un punto di bista sientífiko.

Tin diferente motibu ku por pone un hòmber kòrtá orea di su pareha. Kisas e no ta satisfecho ku su relashon, kisas e no ta satisfecho ku su bida seksual, kisas e muhé ta muchu okupá, òf e muhé ta muchu riba e hòmber etc. Lamentablemente mi no por bai den tur e kasonan ei. Esun ku mi ke bai aden ta e hòmber ku ta kòrta orea di e muhé ku ta duna tur di su parti pa ku e relashon,

pero ku tòg e hòmber no ta kontentu ku loke e tin na e relashon, i e ta bai buska un muhé afó.

(Esaki ta djis un avanse.)

8. Bo ke evitá ku bo hòmber ta pone bo kachu?

Si tabata eksistí un manera ku por evitá hende hòmber di ta infiel, anto ami lo a deskubrí esei, pa aworakí lo mi tabata un mionario. Pero mi ta buskando e fórmula, pues mi ta na kaminda pa bira mionario. Pero konosiendo hende hòmber, ta eksistí si sierto tepnan ku mi por duna pa hasi e chèns mas chikí ku bo hòmber lo kòrta bo orea. E tepnan aki di ningun forma no ta garantisá ku e lo NO kòrta bo orea, nan lo por minimalisá e chèns p'e pone bo kachu. Pues si despues ku bo implementá tur e tepnan aki, ainda bo hòmber a disidí dal un baño, spùit kolonia tras di su orea, i sali bai sin bo, no ta mi falta!



Ta bon pa komprondé algun kos:

1. Hopi hòmber no ta kòrta orea pasó nan no ta stima bo mas. Vários di nan ta kòrta orea pasó nan ke variedat seksual. E ta meskos ku kuminda. Si mi dunabo aros ku sosèshi kome tur dia, bo ta bin kansa di kome e mesun kos. Ta yega un dia ku bo ke purba yambo, bo ke purba kadushi, bo ke purba batata machiká. E bida seksual di e hòmber ta meskos. Prinsipalmente si nos mira e echo ku tin hopi hende muhé soltero. Anto tur e hende muhénan ei, abo tin ku konsiderá nan komo 'kaiman na bok'i riu'. Pues si bo tin un 'bon hòmber', mi ta konsehá bo hasi bo máksimo esfuerso i tene bo wesu duru pa otro kachó no pasa pikié bai kuné.

2. Tin hende hòmber ta pensa ku ta nan trabou pa tene relashon seksual ku mas ku un muhé, pa sigurá kontinuidat di e rasa humano. E hòmber tipo 'rambo' nan ei lo bo tin ku keda leu for di nan. Pasó no tin niun manera ku abo lo por evitá ku e hòmber ei lo ta infiel. A ménos ku bo kòrta su pénis kita afó!

(Esaki ta djis un avanse.)

12. Hòmber tin mas desejo seksual ku muhé?

Ta un diskushon di tur tempu ku si hende muhé gusta sèks mes tantu ku hende hòmber. Dikon e diskushon?



Probablemente pasó hende hòmber por lo general ta pensa 25 ora pa dia riba sèks, i hende muhé, aunke nan ta bon den hunga ròl, aparentemente no ta pensa riba sèks dje tantu ei. Pero segun hopi hende muhé, ta suak e hòmber ta na mente, pasó si e muhé por wanta su gana di sèks, e hòmber tambe mester por. Hende muhé tin abilidad pa keda seksualmente inaktivo pa lunanan largu. Tin bia añanan largu. Pa hende hòmber, e kos ei ta un abilidad fuera de lo normal.

Masha poko hòmber (salú) tin ku por keda mas ku dos luna seksualmente inaktivo. (Aki nos ta papiando di hende hòmber den su pleno hubentut. No e painan ku a bula edat di penshun).

(Esaki ta djis un avanse.)

13. Dikon hende muhé mayoria bia ta skohe pa e hòmber tipo 'bad boy'?



Ta un pregunta ku algun hende hòmber tin. Hende muhé semper ta bisa ku nan ke un bon hòmber, un hòmber ku ta trata nan bon, un hòmber ku sa di hiba un relashon monogamo i ta atento pa ku su pareha. Pero en realidat bo ta mira ku tòg e muhénan ta skohe pa un hòmber tipo 'bad boy'. Esaki no ta nifiká ku e hòmbernan aki no sa trata muhé bon, pero realidat ta ku hende muhé ta sufri na man di prinsipalmente e tipo di hòmbernan aki.

Kiko ta un hòmber tipo 'bad boy'?

Esaki ta e hòmbernan ku tin un aparensa tòf. Hopi bia nan tin un kara será, piercings i tatuaje na kurpa. Bo por haña nan tambe ku outo drechá, ku bon ekipo di músika aden etc. Nan ta manipulativo, nan ta gaña hopi, tin hopi muhé, tin di nan por ta asta violento ku nan pareha. Pero tòg hende muhé ta kai pa nan .

Tin hende hòmber ku maske kon 'bon hòmber' nan ta, tòg ta wòrdu poné den e asina yama 'friend zone'.

(Esaki ta djis un avanse.)

17. Konstipashon di hende muhé

Ta konosí ku hende muhé ta sufri mas di konstipashon kompará ku hende hòmbler. Nan a bai diferente dòkter, spesialisista, kurandero, hasidó di brua, etc, pero niun no a yuda. Nan a kambia nan dieta di tur sorto di manera, bebe awa, kome papaya, kome preimu, uza fibra, bebe prugashi, laksante, lechi magnesias, metamusil, epsom salt, fleet, kos pa hasi sushi sòft, stimulante oral, stimulante rektal, enfin. Tur kos nan a purba, pero nada no ta yuda. Dikon hopi hende muhé ta konfrontá e problema aki anto? Ta kastigu nan tin pa a nase hende muhé?



Wèl, parsialmente si. E ta un kastigu. Pero si bo komprondé dikon, bo lo por tuma sierto medidanan pa yuda e kousa. Tin algun hende ku lo no por hasi nada mas, pa motibu di a hasi daño permanente kaba na nan tripa. Pero tin hende si ku por wòrdù salbá ainda. Kiko ta e motibunanan prinsipal ku ta pone hende muhé sufri mas di konstipashon kompará ku hende hòmbler?

(Esaki ta djis un avanse.)

21. Ranka mi kabei!



Bo a ripara ku ora hende muhé ta bringa ku otro nan gusta ranka kabei di otro? Probablemente pasó esaki ta hasi hopi doló!

Pero durante di sèks tambe hende muhé gusta pa bo ranka nan kabei. Esei tambe ta hasi doló òf e ta algu plasentero? Si ta asina, ora muhé nan ta bringa ku otro ta karisia nan ta karisia otro anto?

Mayoria hende muhé gusta pa abo komo nan pareha maskulino ranka nan kabei. (Mi ta referí aki na e hende muhé ku ta dispuesto na duna nan bida seksual un tiki mas sous. No esun nan ku ta hunga ròl di señorita). Dikon?

**Hopi hende muhé tin loke nan ta yama 'rape fantasies'
(Esaki ta djis un avanse.)**

Palabra final

Asin'aki bo a yega na final di 'Kibra Hacha'. Mi ta spera ku el a kai na bo agrado. Mi ta spera ku el a siña bo algu nobo i tambe pone un sonrisa riba bo kara. Ta esei ta hinter i meta i ta esei ta mi satisfakshon di mas grandi.

(Esaki ta djis un avanse di e buki. Mi ta spera e avanse aki a duna bo gana di lesa e buki. Si esei no ta e kaso anto e ora ei, probablemente tin un kos ku no ta bon ku bo.)